



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opvs De Iudiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos &
Festos, ab ipso Auctore confectus

Stengel, Georg

Ingolstadii, 1651

2. Morbis Bernardium Realinum loco alligatum, lessium à laboribus non
impeditum esse.

urn:nbn:de:hbz:466:1-45701

facere. Hinc Ecclesiastes ait: *Melius est ire ad domum luctus, quam ad domum conuiuij: in illa enim finis cunctorum admonetur hominū, & viuens cogitat, quid futurum sit.* Egroti autem ipsi, exultante animo, cogitant, quid futurum sit de corpore, quod seminatur in corruptione, surget in incorruptione. *Seminatur in ignobilitate; surget in gloria. Seminatur in infirmitate, surget in virtute.* Sicut in S. S. Greg. I. 4. Theophanij Comitij corpore indicium aliquod datum est; cuius viuentis pedes eum podagrâ foedè intumuisent, taboq; ac sanie fluida teterrimum odorem exspirassent; defuncti illico reducti sunt ad debitam vel sanissimi hominis formam, fragrantiamque diuinam quamdam, quarto à sepultura die. exhalauerunt.

Quin morbis multos Deus loco astrinxit, in quo multa præclara gesserunt. Bernardinus Realinus, Lupijs, *vnus omnia Societatis munia obiuit, donec, rebus firmatis, socij plures acciti sunt.* Caterum hoc illi domicilium fixum perpetuumq; Deum esse voluit: quod *iesu.* *ties enim, vel maiorum imperio, vel alia quaqua de causa, vrbe ipsi fuit excedendum, toties vel improuisa agrotatione, vel repentina aëris inclementia detentus fuit; aut si clam moliebatur abscessum, personantibus suo pte nutu campanis excitati sunt ciues, vt occuparent.* Ab itinere igitur illum Deus morbis, non à labore impediuit: At Leonardum Lessium nec ab itinere, nec à labore. Nam memorabile est, quo infortunio magna illi meritorum in reliquam vitam seges subnata est. *An. M. D. LXXVIII. per tumultus patriæ, Nostri ea vrbe expulsi sunt. Leonardus in ea fuga, nocte ab exitu secunda, lectū sortitus est in diuersorio, unde nescio quid hausit contagij; quod cum sibi maxime insedisset, non raro ipsi periculam lepra creauit; & cum nulla posset ope depelli, ad vsq; vita exitum, pessimis eum modis exercuit.* Et tamen cum hoc morbo, euoluto septennio, Romam accitus est, vbi Francisco Suario, in Theologia, Doctore biennio est vsus; & iam tum Theologia alijs tradenda idoneus est visus: quam non multò post Louanij exorsus, totos xv. annos, summa nominis claritudine docuit, & annis xvij. seqq. Nostrorum studijs dirigendis præfuit. Miraculo autem est proximum, tam multa potuisse illum scribere, qui tot ac tantis si a se doloribus, viribus propemodum diuturno labore exhaustis, in carne videbatur, sine carne agram animam trahere. Interea parcissimus erat tēporis, laboris pertinax; vt inde potuerit per jus vtrumq;

per Medicas artes, per Mathematicas, per historias, & scientiarum alias excurrendo Encyclopadiam conficere.

III.

Philipp. Alegambe in Indice Martyrum num. CCLVIII ex vita ipsius Hispanicè & Gallicè edita.

Alij, velut Aartæus dejectus in terram, postquam dejecti sunt in inualetudinem, fortiores surrexerunt, atque grandia opera aggressi sunt. Ita P. Marcellus Franciscus Mastrillus, Italus nobili loco natus, cum diu votis ardentissimis Indicam missionem expectasset, admirabili prodigio eius est factus compos. Nam à S. Francisco Xaeruo aspectabili repente sanatus à lethali vulnere, ad Indiam atq; ad Martyrium inuitatus est, quod sanè subijt modo luculento. Idem Philipp. Alegambe Bibliotheca Script. S.I. fol. 160. hæc habet: Georg. Tyskemicius, natione Polon. Gente Podlach: ex peruetusta Moduidorum familiâ, quæ Sereniss. Jagelloniam per Russicæ Duces attingit, patre Palatino Brestensi, matre Wolowitzia, ordinis senatorij natus, primam ætatem Vilnæ in scholis nostris, tum peregrinabundus, ut nobilitatis Poloniae mos est, Græcij, Patauij, ac demum Romæ, cum grauem incidisset in morbum, vouit, eam se familiam sacram, si conualuisset ingressurum, cuius hominè primum domo prodiens offendisset: Et commodum progressus incurrit in admodum R. P. N. Mutium Vicellescum, qui tum in Romano Collegio versabatur. Voti reus ad S. Andreae tirocinium tetendit anno salutis 1593. cum ageret ipse ætatis annum 22. Per morbum quoque admirabili illi Furseo zelus animarum adjectus est. Nam ægrotanti Angelus apparens omnia ordine tradidit, quæ ad officium diuini verbi longè lateque prædicandi pertinebant; monuitque, ut nulli labori parceret; nullo discrimine terreri se sineret, duodecim illi adhuc annos vitæ superesse, post quos laboris præmia in cælo iam antè visa, eum manerent. Dici non potest, quanto ardore, tot ignibus inflammatus Furseus, per Angliam, Galliam, & Belgium diuinæ Fidei atque amoris incendia, postea disseminarit. Per morbum igitur isti vel è seculo ad Religionem, vel in Religione ad maiorem perfectionem vocati sunt.

Sur. 30. Ianuarij.

IV.

Idem loc. supr. cit.

Quin, & in ipso morbo quàm grandia fieri possent, idem paulo prius memoratus Lessius egregiè exemplo docuit, qui gravissimis morborum, colicæ, calculi, herniæ duplicis, languentis ructantissiq; stomachi tormētis, voluntarias etiam flagellationes adiecerat &

crebra